

摩邓女经

后汉三藏法师安世高译



南無本師釋迦牟尼佛

说明

本简体校正版《摩邓女经》电子书，根据《乾隆大藏经》第55册，第0639部，小乘阿含部，后汉三藏法师安世高译《摩邓女经》影印本校正，句读仅作参考。特此说明。

仁慧草堂

二〇一七年九月

摩邓女经

后汉三藏法师安世高译

闻如是：一时，佛在舍卫国祇树给孤独园。

时，阿难持钵行¹乞食。食已，阿难随水边而行，见一女人在水边担水而去，阿难从女¹取水，女即与水。女便随阿难，视阿难所止处。

女归，告其母。母名摩邓。女于家委地卧而啼。

母问女：“何为悲啼？”

女言：“母，欲嫁我者，莫与他人。我于水边见一沙门，从我取水，我随问名，名曰阿难，我得阿难乃嫁。母，不得者，我不嫁也。”

母出行问阿难，阿难者，承事佛。

母已知，还告女言：“阿难事佛道，不肯为汝作夫。”

女啼，不饮食，言：“母能知¹道。”

母出，请阿难归饭，女大喜。

母语阿难：“我女欲为卿作妻。”

阿难言：“我持戒，不畜妻。”

复言：“我女不得卿为夫者，便自杀。”

¹ 同丐，乞也

阿难言：“我师佛，不得与女人共交通。”

母入，语女：“阿难不肯为汝作夫，言其有经道者，不得畜妇。”

女对母啼言：“母道所在？”

母言：“天下道无有能过佛道，及阿罗汉道。”

摩邓女复言：“但为我闭门户，无令得出。暮，自当为我作夫。”

母闭门，以盂道缚阿难。

至晡²时，母为女布席卧处。女大喜，自庄饰。

阿难不肯前就卧处，母令中庭地出火，前牵阿难衣，语阿难言：“汝不为我女作夫，我掷汝火中。”

阿难自鄙为佛作沙门，今日反在是中不能得出。佛即持神心，知阿难。

阿难还，至佛所，白言：“我昨日行勾食于水边见一女人，我从勾水，我还到佛所。明日有一女人，名摩邓，请我，欲得归饭。我出，便牵我，欲持女与我作妻。我言：‘我持佛戒，不得畜妻。’女见阿难得脱去，于家啼哭。母言：‘其有事佛者，我道不能胜，我本不语汝耶。’女啼

² 申时，即午后三点至五点

不止，续念阿难。女明日自行求索阿难，复见阿难行勾食，随阿难背后，视阿难足，视阿难面，阿难惭而避之，女复随不止。阿难还归佛所，女守门。阿难不出，女啼而去。”

阿难前白佛：“摩邓女今日复随我。”

佛使追，呼摩邓女见之。

佛问：“汝追逐阿难，何等索？”

女言：“我闻阿难无妇，我又无夫，我欲为阿难作妇也。”

佛告女言：“阿难沙门无发，汝有发，汝宁能剃汝头发不？我使阿难为汝作夫。”

女言：“我能剃头发。”

佛言：“归报汝母，剃头发来。”

女归，到母所，言：“母不能为我致阿难，佛言：‘剃汝头发来，我使阿难为汝作夫。’”

母言：“子，我生汝，护汝头发，汝何为欲为沙门作妇？国中有大豪富家，我自能嫁汝与之。”

女言：“我生死当为阿难作妇。”

母言：“汝何为辱我种？”

女言：“母，爱我者，当随我心所喜。”

母啼泣，下刀，剃女头发。

女还到佛所，言：“我已剃头发。”

佛言：“汝爱阿难何等？”

女言：“我爱阿难眼，爱阿难鼻，爱阿难口，爱阿难耳，爱阿难声，爱阿难行步。”

佛言：“眼中但有泪，鼻中但有涕³，口中但有唾，耳中但有垢，身中但有屎尿，臭处不净。其有夫妻者，便有恶露，恶露中便生子，已有子便有死亡，已有死亡便有哭泣，于是身有何益？”

女即自思，念身中恶露，便自正心，即得阿罗汉道。

佛知女已得阿罗汉道，佛即告女言：“汝起，至阿难所。”

女即惭而低头，长跪于佛前，言：“实愚痴故，逐阿难耳。今我心已开，如冥中有灯火；如人乘船，船坏依岸；如盲人得扶；如老人持杖行。今佛与我道，令我心开如是。”

诸比丘俱问佛：“是女人母作蛊道，何因缘是女得阿罗汉道？”

佛告诸比丘：“汝欲闻知是女不？”

诸比丘言：“我曹⁴当受教。”

³ 同涕，鼻涕

⁴ 辈也

佛言：“是摩邓女先世时，五百世为阿难作妇。五百世中，常相敬、相重、相贪、相爱，同于我经戒中得道。于今，夫妻相见，如兄如弟，。如是佛道，何用不为？”

佛说是经，诸比丘闻皆欢喜。

《摩邓女经》卷终

回向偈

愿以此功德 普及于一切
我等与众生 皆共成佛道

南无护法韦驮尊天菩萨



此咒置经书中可灭误跨之罪